

Job creation • Education • Health • Quality basic services • Human settlements & local government • Ethical and developmental state • A better Africa and world

Vuk'uzenzele

Produced by: Government Communication & Information System (GCIS)

English/Setswana

Ngwanaitseele 2019 Kgatiso 2



What to expect when reporting a GBV-related crime

Page 4



Finding a purpose through art

Page 16

JOBS INSIDE:

Sukuma Ndoda!



Ending abuse starts with you.

Men working together to end abuse #16Days



ALSO AVAILABLE ON:



@VukuzenzeleNews

Vuk'uzenzele

CONTACT US

Website: www.gcis.gov.za
www.vukuzenzele.gov.za

Email: vukuzenzele@gcis.gov.za
Tel: (+27) 12 473 0353

Tshedimosetso House:

1035 cnr Frances Baard and Festival streets Hatfield, Pretoria, 0083

FREE COPY NOT FOR SALE

More funds pumped into fighting abuse



More Matshediso

President Cyril Ramaphosa recently updated Parliament and the nation on efforts to end Gender-Based Violence and Femicide (GBVF).

A few months ago, the President asked Parliament to approve the Emergency Action Plan to combat GBVF. He has

since announced that government will commit R1.1 billion towards the implementation of the plan.

"National Treasury has written to key departments and entities, asking them to urgently identify funds that can be re-prioritised. Departments must be commended for readily and swiftly responding to this call. We are now in a position to

allocate more than R1.6 billion from the 2019/20 financial year baseline spending allocation," the President said.

"We know that GBV often has its roots in social, cultural and other norms that perpetuate patriarchy and chauvinism. We also know we have to focus on prevention as the first point of intervention," he said.

The President said the Depart-

ment of Social Development will, in collaboration with other departments, drive the roll-out of programmes that will engage with men's formations, traditional leaders, student organisations, youth groups, offenders inside prisons, officials working in the criminal justice system and communities at large.

He also announced that 200 social workers will be appointed to provide targeted services to survivors at various social services centres, including the national network of Thuthuzela Care Centres.

The President said work is being done to enhance our current legal and policy framework to make it more responsive to the needs of GBV survivors.

"This includes bail and sentencing reform to ensure that perpetrators face justice and that the law acts as an effective deterrent," said the President.

Meanwhile, Cabinet has welcomed the recent 20 life sentences and 758 years' imprisonment sanctions handed down to serial rapist Bongani Lucky Masuku, as well as the life sentence handed to convicted rapist Nicholas Ninow.

"This sends a strong message to perpetrators that our criminal justice system will not tolerate crimes against women and children," said Minister in the Presidency Jackson Mthembu said. **U**

The GBV Command Centre can be reached at 0800 428 428.

Alternatively, send a please-call-me to *120*7867# or log onto the website www.gbv.org.za.

Thuso ya batswasetlhabelo ba GBV ka tsa molao



More Matshediso

Batswasetlhabelo ba Tirisodikgoka e e Totileng Batho ba Bong jo bo Rileng (GBV) ba ba senang madi a go duelela mmueledi ba ka kopa thuso kwa go ba Legal Aid South Africa.

Seno ke go ya ka Mmuedimogolwane wa kwa Legal Aid South Africa, Makgate Nkgapele.

Legal Aid South Africa ke setheo se se ikemetseng se se dirang ka molao seo maitlhommo a sona e leng go thusa batho ba ba senang madi a go duelela babueledi ka ditirelo tsa molao.

"Mo nageng re na le dikantorokgolo di le 64 mmogo le dikantoropotlana di le 64 tse di laolwang ke dikantorokgolo, moo re nang le babueledi le babueledibagolo teng go thusa baagi ka melato le dikgetse tsa bona," ga rialo

Nkgapele.

Mo godimo ga seno, Nkgapele o tlhalositse gore setheo seno se se ikemetseng se butse ditikwatikwe di le 32 tsa bosiamisi tse di thusanang ka ditirelo tsa molao. Bontsi jwa ditikwatikwe tseno di gaufi le dikgotlatshekelo mme tikwatikwe nngwe le nngwe e thusana le dikgotlatshekelo di ka nna 10 kgotsa 20.

Palogotlhe ya batho ba le, 724 000 ba thusitswe ke setheo seno mo ngwageng wa 2018/19.

Nkgapele a re Legal Aid South Africa e dirisa thulaganyo ya go lekola bokgoni jwa go ituelela go nopola gore ke mang yo a nang le matshwanelo a go thusiwa ka ditirelo tsa yona.

"Gareng ga tse dingwe, thulaganyo eno e sekaseka megolo ya modirakopo mmogo le dithoto tse a nang le tsona," o tlhalositse jalo.

"Fa e le gore o na le letseno le le dirang bokanaka R7 400 kgotsa le le kwa tlase kgwedi nngwe le nngwe morago ga go gogelwa lekgetho, o tla neelwa thuso ya ditirelo tsa molao. Le fa go le jalo, fa e le gore mogolo wa gago o feta o o tlhalosiwang ke thulaganyo ya go lekola bokgoni jwa go ituelela, ka madi a sa feteng R1 300, le teng o ka nna le tshwanelo ya go tlamelelwa ka thuso ya ditirelo tsa molao, mme tshwetso eno e tla tsewa ke ba kantorokgolo," o tlaleleditse jalo.

O tlhalositse gore batho ba ba golang madithuso a puso kgotsa a botsofe ba bona thuso eno ka ponyo ya leitlho e bile ga ba tlhoke go lekolwa gore ba ka tswa ba na le bokgoni jwa go ka ituelela. Fela ba tshwanetse go ntsha bopaki jwa makwalo a semmuso a a pakang gore ba gola megolo ya madithuso.

Nkgapele a re mo dikgetseing tseo di amanang le bana, fa e le gore di mabapi le bosenyi, bana bano ba tla thusiwa ntle le go diriwa ga diteko. Mme fa e le gore

dikgetso tseno di mabapi le go gatana mo khontsheng ga baagi, ba lelapa la ngwana ba tla tshwanelwa ke gore ba tlhatlhabiwe le go falola thulaganyo ya tekolo. **U**

O ikgolaganya jang le ba Legal Aid South Africa?

O ka leba kwa e nngwe le e nngwe ya dikantoro tsa bona tse di leng teng kwa diporofenseng tsothe di le robongwe. O ka letsetsa mogala wa bona o o sa duelelweng mo go: 0800 110 110 (Mosupologo go fitlha ka Labotlhanano go tloga ka ura ya bo 7:00 mo mosong go fitlha ka ura ya bo 7:00 mo maitseboeng).

Romela Please Call Me mo go: 079 835 7179.

Tsenya kopo ya gago ka webesaete ya bona mo go: Legal-aid.co.za

O ka solofela eng fa o thatlhela kgetse e e amanang le GBV

Go bula kgetse ya petelelo kgotsa ya bosenyi bongwe le bongwe jo bo tsamaelanang le Tirisodikgoka e e Totileng Batho ba Bong jo bo Rileng (GBV) go a tshosa.

Ba Vuk'uzenzele ba go kwaletse dikgato tse di ka thusang batswasetlhabelo ba bosenyi jono go ba kaela gore ba ka solofela eng fa ba tsena kwa seteiseneng sa sepodisi go ya go tlhatlhela kgetse ya bosenyi jwa GBV.

Ba Tirelo ya Sepodisi sa Aforika Borwa (SAPS) ba re ba ikemiseditse go se tshele batswasetlhabelo ka letswai mo nthong fa ba tlile go bula dikgetse kwa diteiseneng tsa mapodisi.

Kgetse ya petelelo e ka tlhatlhelwa kwa SAPS mo mogaleng wa tshoganyetso wa tikwatikwe ya go bega melato ya bosenyi e e dirang bosigo le motshegare mo go 10111, kgotsa ka go etela seteiseneng sa sepodisi se se gaufi.

Motswasetlhabelo o na le tetla ya go ka laletsa mongwe yo a mo tshepang go mo felegetsa fa a botsolodiwa dipotso tse di malebana le se se mo diragaletseng mme e bile gape a ka itlhophelela gore a botsolodiwe dipotso tseno mo lefelong le a le itlhophe-



tseng kgotsa leo a ikutlwang a bolokesebile mo go lona.

Fa sepodisi se sena go bokeletsa tshedimotsetso e e tlhokegang go tla bulwa tokete, mme ya kwadisiwa mo Lenaneong la Dikgetse tsa Bosenyi mme go tla tlhokega gape le afidafiti mo dintlha tse di latelang di tla totobadiwang ka tlhamalalo:

- Nako, letlha le lefelo leo bosenyi bo diragetseng kwa go lone.
- Mofuta wa tlolomolao e e diragetseng le mokgwa o e dirilweng ka ona.
- Motho wa ntlha yo motswasetlhabelo a thubileng se se mo pelong ya gagwe mo go ene.
- Dintlha tse dingwe le tse dingwe tse di ka thusang gore motho yono yo a tlotseng molao a golegwe kgotsa dipaki tse di ka tswang di le teng di

bone se se diragetseng.

Go ka nna le tlhokagalo ya gore go diriwe diteko tsa bongaka go bona gore a gongwe go na le bopaki jo bo ka tswang bo saletse jo bo ka thusang kgotlatshekelo. Ka ntlha ya seno go botlhokwa thata gore batswasetlhabelo ba lekolwe e sale semetsing ntle le tiego – le fa tota e ka tswa e le gore gongwe tlhaselo eno e diragetse diura di le 72 tse di fetileng, kgotsa fa motswasetlhabelo a setse a tlhapile.

Ditlhatlhobo tseno tsa bongaka di tla duelelwa ke puso mme di tla diriwa ke moitseanape wa tsa boitekanelo.

Banna ga ba letlelelwa go nna teng fa mosadi a tlhatlhabiwa mme go fela jalo le ka basadi fa e le gore go tlhatlhabiwa monna. Le teng motho wa bong jo bo tshwanang le jwa motho yo a tlhatlhabiwang a ka letlelelwa go nna teng fa fela e le gore ke thato ya motswasetlhabelo.

Tlhokomelo ya batswasetlhabelo ya morago ga tiragalo

Batswasetlhabelo ba ditlolomolao tsa thobalano ba tswa mo maitemogelong a a tlhobaetsang mme ka ntlha ya seno ba tla tlhoka thuso ya go

thobiwa maikutlo.

Fa e le gore motswasetlhabelo ke ngwana, motho yo e leng karolo ya Yuniti ya Dintwa tsa kwa Malapeng, Tshireletso ya Bana le Ditlolomolao tsa Thobalano (FCS) kgotsa moitseanape wa merero eno o tla tlhokagala gore a bediwe. Go ka tsewa le tshwetso ya gore ngwana a fudugisiwe mo lefelong leo a nnang mo go lona gore a kgone go neelwa tlhokomelo e e sireletsegile.

Ke maikarabelo a letseka go:

- Naya motswasetlhabelo dintlha tsa ditirelo tsa boitekanelo le thobo ya maikutlo tse di leng teng mo lefelong la gagwe mmogo le thuso e a e tlhokang go ka di fitlhelela.
- Netefatsa gore dikgato tse di maleba di a tsewa go sireletsa bana kgotsa ba bangwe ba batswasetlhabelo ba ba leng mo tlalelong.

Letseka le tla baya motswasetlhabelo mo dinakong ka ga se sengwe le se sengwe se se diragalang ka kgetse ya gagwe mmogo le go tlhalosetsa motswasetlhabelo ka thulaganyo ya kwa kgotlatshekelo e le go mo baakanyetsa go ya kgotlatshekelo.

Ka letsatsi la tsheko kgotsa pele ga lona, fa e le gore motswasetlhabelo o di kopile, letseka le tla neela motswasetlhabelo dikhophi tsa bopaki jwa gagwe gore a di ipuisetse tsona gore a ikgopotse ka se se diragetseng. **U**

A O NE O ITSE?

- Leina la motswasetlhabelo wa petelelo ga le a letlelelwa go phasaladiwa ke ba bobegakgang.
- Motho mongwe le mongwe yo a nang le kitso ya go bogisiwa ka thobalano ga ngwana kgotsa motho yo a nang le bogolofadi jwa tlhologanyo ka molao o tshwanetse go bula kgetse ka ga seno kwa sepodising.
- Fa e le gore o motswasetlhabelo wa tlolo ya molao wa thobalano, ga o a tshwanela go tlhapa, go apara borukhu jwa ka fa gare jo o neng o sa bo apara fa tiragalo eno e go diragalela kgotsa go tsukula molomo wa gago pele o ka diriwa ditlhatlhobo tsa bongaka.
- Ga go motswasetlhabelo yo a tshwanetseng go busediwa gae fa a tlile go tlhatlhela kgetse kwa sepodising ka ntlha ya gore tiragalo eo e mo diragaletse kgale kgotsa e mo diragaletse mo lefelong le le leng ka fa tlase ga taolo ya sepodisi sa kgaolo e nngwe.

***Tshedimotsetso eno o e tlisediwa ke ba SAPS**

Dintlha tsa kgoaganano tse di tla tswelang batswasetlhabelo ba GBV mosola

Naga ya Aforika Borwa e na le mekgatlho e le mma-lwa eo batswasetlhabelo ba Tirisodikgoka e e Totileng Batho ba Bong jo bo Rileng (GBV) ba ka lebang kwa go yona go lopa thuso ya go thobiwa maikutlo le ya go bona thuso ya morago ga go bogisiwa.

Ba Vuk'uzenzele ba go kwaletse lenaneo la mafelo a batswasetlhabelo ba go bogisiwa ba ka lebang kwa go ona go batla thuso.

People Opposed to Women Abuse (POWA)

POWA e fana ka ditirelo tsa go thoba maikutlo ka mogala le ka namana, mmogo le go naya basadi ba ba tlhorisi-

wang thuso ya tsa semolao.

Webesaete ya bona ke:
<https://www.powa.co.za/POWA/>
Dinomoro tsa mogala wa bona ke: 011 642 4346

Childline South Africa

Mokgatlho ono o o sa direng letseno o thusa bana ba ba bogisiwang le ba malapa a bona.

O mekamekana le matsapa a a jaaka a go keteka bana le go ba dirisa mo go tsa thobalano, diritibatsi, maitshwaro a a tlhobaetsang mmogo le go utswiwa ga batho, go akaretsa le go tlhaba botlhalo ka dikeletso tsa semolao.

Webesaete ya bona ke:
<http://www.childlinesa.org.za/>
Dinomoro tsa mogala wa bona o o sa duelelweng wa thuso ke: 0800 055 555

Child Welfare South Africa

Child Welfare South Africa e tsepamisitse mogopolo mo go sireletseng bana, go tlhokomeleng bana le go thusa go ruta bamalapa. O ka begela ba mokgatlho ono le ka dikgetse tsa go itlhokomolosa tlhokomelo ya bana le tsa go bogisa bana.

Webesaete ya bona ke:
<http://childwelfare.org.za/>
Dinomoro tsa mogala wa bona ke: 074 080 8315

Mokgatlho wa Aforika Borwa wa Merero ya Malapa le Manyalo (FAMSA)

FAMSA e thusana ka ditirelo tsa go thoba maikutlo le tsa go ruta batho gore manyalo le malapa a bona a tokafale. E tsereganya fa go na le dikgetse tsa tirisodikgoka mo malapeng le tsa go roromisiwa ka letshogo, fa go na le dikgetse tsa go tswa mo lenyalong le tsa go ritibatsa dikgotlhang. FAMSA e na le dikantoro naga ka bophara.

Webesaete ya bona ke:

<http://famsa.org.za/>
Dinomoro tsa mogala wa bona ke: 011 975 7106/7

Tears Foundation

Mokgatlho yono yo o sa direng letseno, yo o simolotseng ka ngwaga wa 2012, o thusana ka go abelana ka sefalanatshedimoso sa ditirelo tsa bongaka, tsa molao le tsa boitekanelo mo moweng tse di leng teng ka fa nageng ya Aforika Borwa go thusa batho ba ba betele-tsweng kgotsa bao ba tswang mo ditiragalong tseo ba neng ba dirisediwa merero ya thobalano.

Webesaete ya bona ke: <https://www.tears.co.za/gbv-domestic-abuse/>
Dinomoro tsa mogala wa bona ke: 010 590 5920

Tikwatikwe ya Taolo ya Tirisodikgoka e e Totileng Batho ba Bong jo bo Rileng (GBVCC)

Lefapha la Tlhabololo ya Loago

le butse GBVCC ka kgwedi ya Ngwanaitseele mo ngwageng wa 2013. Tikwatikwe eno e bula bosigo le motshegare mme e bula ngwaga otlhe go thusana le batswasetlhabelo ba GBV.

Tikwatikwe eno go ka ikgolaganngwa le yona ka ditsela di le dintsinyana, go tsenyeletsa ka dinomoro tsa mogala o o sa duelelweng wa tshoganyetso wa 0800 428 428, kgotsa ka go ba romela please call me mo go *120*7867#

O ka tsenya Help Me GBV mo lenaneng la gago la batho ba o tlhaeletsanang le bona mo skype mme wa romela molaetsa kwa go ba GBVCC. Tirelo eno e thusa gape le batho ba ba nang le bosusu mme ba dirisa puo ya diatla. **U**

E nngwe ya ditsela tsa go ikgolaganya le ba GBVCC ke go romela lefoko Help ka SMS mo go 31531, kgotsa wa etela www.gbv.org.za